

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Johannis Segeri Weidenfeld De Secretis Adeptorum Sive  
Usu Spiritus Vini Lulliani Libri IV**

**Weidenfeld, Johann S.**

**Londini, 1684**

XXIV. Menstrua mineralia composita ex Menstruis mineralibus & Menstruis  
Vegetabilius in vicem commixtis

[urn:nbn:de:bsz:31-96282](#)

## XXIV. GENUS.

*Menstrua mineralia composita ex Menstruis Vegetabilibus & mineralibus invicem commixtis.*

143. Ignis Vegetabilis solutus in Aqua calcinativa Lullii,

P. 363. Magiae Naturalis.

R. **A** QUÆ Vegetabilis acuatæ (*animæ metallicæ Lullii sub No. 5. descriptæ*) unciam unam, pone in Ampulla cum collo longo, in quam posueris uncias tres Aquæ calcinativæ (*menstrui mineralis sub No. 68. descripti*) & subitè cooperi Ampullam cum suo coopertorio, & bene clade cum cera, & bene colloces intrâ balneum per duos dies naturales, & in illo tempore totum Vegetable erit conversum in Aquam claram.

## Animadversiones.

**A** Depti varie acutum reddidere Vini phil. spiritum, istumque in varia redegere Menstrua tam Vegetabilia quam mineralia in antecedentibus: Nam in hoc Menstruorum vicefimo quarto & omnium ultimò Genere, non uti in supradictis Menstruorum compositionibus communia commiscuere vel oleosa, vel Arida, vel Acidia unctuoso Vini philosophici spiritui, sed Menstrua Vegetabilia & mineralia modo perfecta conjunxere ut Menstrua hujus Generis conficerent. Simile ferè Menstruum componitur à Lullo quod dicitur,

144. Cœ-

144. Cœlum vegetabile solutum in  
Menstruo minerali Lullii,

Pag. 59. Testam. Novissimi.

R. **M**enstrui fætentis (*sub No. 99. descripti*) libram unam, adde libram unam, vel dimidiā, quod sufficiet, Aquæ Vitæ summè rectificatæ & acuatæ cum sale Tartari (*sub No. 17.*) vel Vini (*phil. sub No. 30. descriptæ*) sublimato. Et teneas vas in manibus, & non ponas in Terra, nec alio loco, donec cessaverit furor (*ebullitionis*) & est commixtio Vegetabilis cum Minerali; sigilla cum cera, & permitte per diem, posteā in Balneo pones per duos dies, & destilla in cinere, & habebis Aquam limpidam & clarificatam, ponderosam, tunc pone illam in vase Circulationis optimè sigillato per sedecim dies in Balneo convenienter donec redeas, & videas Aquam bene unitam, & in fundo vasis ad modum salis cristallini. Serva eam.

*Idem Menstruum sed variato pondere confecit alibi; in antecedenti ad Menstrui fætentis partem unam, addidit Menstrui Vegetabilis partem semis; in sequenti plus Menstrui Vegetabilis recepit quam mineralis.*

145. Glacies ex Menstruis Vegetabili  
& minerali composita Lullii ,

Pag. 68. Testam. Noviss.

R. **D**E G. minerali sive Menstruo fætenti uncias tres & de Aqua vitæ rectificata & acuata cum sale Tartari uncias quatuor, ponas simul in uno vase, & destillabis in B. per novem vices, & in isto tempore convertetur totum in unionem una, sicut gelu aut glacies.

*Ripleyus Menstruorum Vegetabilium & mineralium commixtionem  
hac peregit methodo.* 146. Aquæ

146. Aqua mirabilis Riplei,  
Pag. 212. Philorcii.

R. **T**artarum calcinatum album sicut nix est, & tere super Marmor, & incera cum Aqua vitæ fortificata cum suis speciebus ut præmittitur (*cum Menstruo sub No. 8. descripto*) donec sit ut pasta tenuis: Tunc pone in vase circulatorio, & rota Aquam donec in Tartaro penitus siccatur; tunc reütera idem opus, & sic continua, donec exhauserit de aqua in pondere duplam sui partem & quantitatem, quo facto ponatur Tartarus tritus super lapidem vel suspendatur in sacculo lineo, & supponatur vitrum ad recipiendum ejus stillicidia, & hoc fiat in loco subterraneo, donec totus Tartarus destilletur in Aquam claram, ex qua post distillationem & coagulationem fit sal mirabile & Naturæ, quod Philosophi vocant sal petræ & sulphur incombusibile (*propriè sal Tartari volatile*) quod figit omne Argentum vivum. Ut autem habeas perfectam Aquam vitæ (*pro hoc opere requisitam*) pone Vinum (*philos.*) in Circulatorio per centum dies, ut rotetur cum suis speciebus, & tunc extrahe ex eo Aquam vitæ (*menstruum sub No. 8.*) quæ excellit in gradu bonitatis omnes Aquas Mundi. Operare cum ea super Tartaro ut dictum est & aqua inde creata vocatur Ignis infernalis (*vide Acetum aceratum Riplei sub No. 23.*) quia si tantum apponas de sale armonia-co sublimato quantum de Tartaro, unum stillicidium illius post ejus perfectionem, interficit subito cancrum in carne hominis, & si deguttetur super manum penetrat eam, & solvit omne corpus. Absque hac Aqua parum proficimus in hac arte, & qui hanc Aquam habuerit, de artis complemento nullatenus dubitabit. Hæc autem Aqua fortificatur in duplo, si æqua portio illi addatur de spiritu minerali, qui est Aqua acuta philos. (*Leo viridis Riplei sub No. 59.*) & post super Tartarum & super sal armoniacum usque ad spissitudinem circulatur, & postmodum solvitur in Aquam claram. Quod si fiat erit aqua ista omni auro incompatibilis & unum de mirabilibus hujus mundi.

*Aliquando loco Menstruorum Vegetabilium Menstruis mineralibus commiscuere sal Harmoniacum Vegetable. Ita,*

147. Men-

## 147. Menstruum fætens sale Harmoniaco acuatum Lullii,

R. DE G. Vegetabili (*de Mercurio sive sale Harmoniaco Vegetabili*) unciam unam, & pone in Phiala vitrea longi colli, in qua prius posueris uncias tres de E. (*Menstruo fætente sub No. 67.*) & statim obstrue, ut nihil respiret, cum suo operculo, & cum cera communi bene sigilla & posteā in B. calido per biduum naturale in Aquam claram dissolutam.

*Quemadmodum sal Harmoniacum addidere Menstruis mineralibus simplicibus ita etiam eisdem Compositis.*

## 148. Menstruum fætens lunare sale Harmoniaco Vegetabili acuatum Lullii,

*Cap. 14. Practicæ Test. major. Pag. 163. Vol. 4. Th. Chym.*

R. IN virtute A. (*Dei*) unam unciam Aquæ compositæ Argenti (*sub No. 141. descriptæ*) per alembicum destillatæ, & in illam projice unciam unam de G. vegetabili (*mercurio vel sale harmoniaco*) dissolve, &c.

*Basilius Menstrua hæc ita commisit.*

## 149. Spiritus Mercurii ex Vitriolo &amp; spiritu vini igneo mixtus Basilius,

*Labore 3. libri Revelat.*

R. O Lei hujus (*primæ materiæ Metallorum ex Venere & Marte confectæ, sive spiritus Mercurii universalis sub No. 132. descripti*) uncias octo, spiritus vini ad summum rectificati (*Menstrui sub No. 19. descripti*) uncias quinque, distilla per Retortam vitream & hoc ter, semper cum novo spiritu, ita ut ad olei uncias octo conjungantur quindecim unciae spiritus Vini ignei.

*Baras-*

Paracelsus sequens Menstruum mixtum consecit pro Arcano  
Lapidis vel Antimonii.

150. Menstruum mixtum Paracelsi,  
Cap. 6. Lib. X. Arthodox. Pag. 39.

**Q**uicunque metallicum suum Cœlum (*Antimonium*) ad summum gradare cupit, & in actum reducere, ipse debet primo ex vita, id est, Mercurio vulgi, primum Ens liquidum, cœlestem Ignem, quintam Essentiam Mercurii (*non Solis*; uti male legitur) & acerrimum Acetum metallicum (*Circulatum majus Paracelsi sub No. 51. descriptum*) extrahere, per solutionem cum sua matre, id est, Arcano salis (*sale circulato sub No. 27.*) & cum stomacho Anthionis, id est, spiritu Vitrioli (*menstruum sub No. 98. descriptum*) permiscere, & in eo (*Menstruo mixto*) Mercurium Antimonii coagulatum (*Regulum Antimonii*) solvere digerere, &c.

Ex Receptis observamus,

1. Menstrua hæc esse diversorum Menstruorum commixtiones.
2. Et fieri posse ex omnibus Menstruis Vegetabilibus & mineralibus invicem commixtis ad Artificie placitum.
3. Eò meliora tamen fieri, quo Menstrua fuerint magis tincta.
4. Menstrua hæc per digestionem fieri dulcia & pura Menstrua Vegetabilia.

Epilo-